

Oqaasiliortut ataatsimiinnerannit imaqarniliaq

Sumiiffik:	Ilimmarfik
Ulloq:	22.08.2016
Nalunaaqutaq:	09:00
Oqaasiliortut peqataasut:	Bolatta M. Vahl, Mariia Simonsen, Juaaka Lyberth, Mette L. Lyberth aamma Jens Danielsen
Oqaasileriffimmit peqataasut:	Katti Frederiksen aamma Tikaajaat Kristensen
Allatsi:	Minik Jeremiassen
Ataatsimiinnerup normua:	6

Oqaluuserisat

1. Oqaluuserisassat akuerineqarnerat
2. Kingullermik ataatsimiinnermi imaqarniliap akuerineqarnera
3. Oqaasileriffimmit ilisimatitsissutit
4. Oqaasiliortuni inuit aqqinik akuersisarnissaq pillugu
5. Oqaasiliortunut saaffiginnissutit
 - 5.1. Atertut qinnutigineqartoq Nukaana
 - 5.2. Naqinnerit, soorlu D aamma B, kalaallit aqqini
 - 5.3. Ingerlatseqatigiiffiit assigiinngitsut taaguutaat (eqqartorneqanngitsoorput)
 - 5.4. Misigissutit (sanser) (eqqartorneqanngitsoorput)
 - 5.5. Kirsebærequt
 - 5.6. Qallunaatut kisitsisit oqaasersiatut piunnaarlugit kalaallilli oqaasiinut pulavissimasutut naatsorsuutigineqalernissaannik siunnersuut (eqqartorneqanngitsoorpoq)
6. Taasariaqartut allat
 - 6.1. Ataatsimeeqqinnissamut ulluliineq
 - 6.2. GOIA-miit taaguutit
 - 6.3. Ataatsimiinnermi oqaluuserisassatut allaqqasut ataatsimiinnissamut tullermut kinguartinneqartut

Imaqarniliaq

1. Oqaluuserisassat akuerineqarnerat:

Oqaluuserisassat akuerineqarput.

2. Kingullermik ataatsimiinnermi imaqarniliaq akuerineqarnera:

Kingullermik ataatsimiinnermi imaqarniliaq akuerineqarpoq, nittartakkamulli ilineqannginnerani naqinnerlutat kukkusallu iluarsineqaqqaassapput.

3. Oqaasileriffimmiit ilisimatitsissutit:

- 2017-imut Namminersorlutik Oqartussat aningaasaliissutaasa allannguuteqarsimannginneri peqqutigalugit Oqaasiliortut siunniussaralui retskrivningsordbogi, killiffilersuutit allannermillu ilitsersuut qatangiinnartussanngorput. Taamaattumik Oqaasileriffik mediestøttemut atunngitsoortunik qinnuteqarpoq. Aningaasat qinnutigineqartut ukioq manna ikineqarlutillu atorneqassammata qinnuteqaammi pingaarnersiuisoqarsimavoq ima:

nunat aqqinik suliaqarnissaq (75.000 kr.)

killiffilersuutit (100.000 kr.)

allannermik ilitsersuut (60.000 kr.)

kalaallisuumiit tuluttuumut ordbogi (100.000 kr.)

Taamaalilluni Oqaasiliortut retskrivningsordbogiliornissamik siunniussa qaraluarnerat qatangiinnartussanngorpoq.

Tassa katillugu 335.000 koruunit mediestøttemut atunngitsuukkanit qinnuteqaatigineqarput.

- Oqaasileriffik nutaamik servereqalissasoq Oqaasiliortunut ilisimatitsissutigineqarpoq. Serveritaarnissaq ukioq manna aningaasartuutissatut naatsorsutigineqarsimanngikkaluarpoq.

- Mariiap siunnersuutigaa aningaasanut tunngasumik Oqaasiliortut ataatsimiittarnerini immikkoortumik immikkut oqaluuserisassatut siunnersuummi allassimasoqartassasoq. Oqaasiliortut politikikkut suliaqaqataanerminnut malinnaatinneqarnerminnullu iluaqutigissammassuk.

- Oqaasiliortut pillugit inatsisissaq ukiaru Inatsisartuni eqqartorneqartussaagaluartoq upernaaru ataatsimiinnissamat kinguartinneqarpoq, peqqutaasullu marluupput:

Oqaasiliortunik toqqaasarnermut tunngasoq iluarsineqartariaqarmat, suliat naammassereersut Naalakkersuisoqarfimmut naammagittaalliutigineqarsimagaangata Naalakkersuisut Oqaasiliortunut suliamik suliakkeeqqissinnaanerit ilanngunneqartariaqarmat.

Taama aalajangiisoqarsimaneranut inatsisissatut siunnersuummi oqaaseqaataasimasut Oqaasiliortunit misissorneqartariaqassapput, paasineqartariaqarpormi suna tunngavigalugu taama aalajangiisoqarsimansoq. Oqaasiliortut tassunga tunngasumik isummersinnaanatillu suleriaqqissinnaanngillat oqaaseqaatit takunngikkunikkit.

- Oqaasiliortut decembarimi 2017-imut pilersaarusiussallutik aalajangerput, Oqaasiliortullu allattaata ilaasortat qaqugu piffissaqarnerisut paasiniassavaa.

- Multiterm pillugu Ole Birch nutserisoqarfimmeersoq isumaqatigineqarpoq suleqatigiilluni aningaasassarsiorneq ingerlanneqarumaartoq.

- Oqaasileriffik KNR-imi ukjaru aallartittumik pikkorissaasalissaaq, taamaaliornissamilu Oqaasilerinermik, Atuakkialerinermik Tusagassiuutilerinermilu ilinniagartuunngorniat suleqatigineqarsinnaasut Oqaasileriffimmiit eqqarsaatigineqarpoq. Qaammammut marloriarluni pikkorissaasoqartassaaq, KNR-illu tamanna aningaasartuutigissavaa.

- Kukkuniiaat ukioq manna oktobarip 13-anni ukiunik qulinngortorsiussaaq. Ulloq taanna nalerorlugu corpus inuiaqatigiinnut saqqummiunneqassaaq.

-Ilinniusiorfimmi meeqqat oqaasiinik corpuseqalissammat Oqaasileriffiullu corpusissaanut ilanngunneqarsinnaassammat Oqaasileriffik Ilinniusiorfimmu saaffiginnissasoq Mette L. Lyberth Oqaasileriffiullu pisortaa Katti Frederiksen isumaqatigiipput.

4. Oqaasiliortuni inuit aqqinik akuersisarnissaq pillugu:

Oqaasiliortut kingullermik ataatsimiikkamik inuit aqqinik akuersisalernissartik immikkut ataatsimiissutigissallugu aalajangiussimavaat.

Inuit Aqqinik Akuersisartunut allatsi Tikaajaat Kristensen IAA-kkut periaaserisimasaannik saqqummeeqqaarpoq. Mariia Simonsen IAA-mi ilaasortaanermini misigisimasaminik eqqartuillatsiarpoq. Siullermik eqqaavaa e-mailikkut akuersisitsisarnerup ingerlanneqartarnera qoqassiinertut misiginartartoq, aqqit akuerisassat eqqarsaatigilluaqqaarlugillu akissuteqarfigisassat sulinerup nalaani allagarsiarineqartarmata. Mariiap eqqartorpaa sulinermi saniatigut taama suliaqarneq imaannaangitsuusinnaasoq, pingaartumik akueripallatassat eqqarsaatigissagaanni.

Oqaasiliortut aalajangiuppaat Inuit Aqqinik Akuersisartut najoqqutarisarsimasaat atersuinermut ilitsersuut ataatsimiititaliamit pilersitaminnit nutarsarneqassasoq. Ataatsimiititaliaq sisamanik inuttaqassaaq ukulu ataatsimiititaliamut ilaassasut innersuutigineqarput: Katti Frederiksen, Tikaajaat Kristensen, Nuka Møller aamma Mariia Simonsen.

Ataatsimiititaliami ilaasortat ataatsimeeqqinnissap tungaanut inuit aqqinik akuersisarnissamut periaasissamik siunnersuusiussapput. Ataatsimiinnerlu manna aallarnerfigalugu Oqaasiliortut inuit aqqinik akuersisartunngorput, taamaalillunilu Inuit Aqqinik Akuersisartut atorunnaarsinneqarlutik.

5. Oqaasiliortunut saaffiginnissutit:

5.1. Atertut qinnutigineqartoq Nukaana:

Inuit Aqqinik Akuersisartunut ateq qinnuteqaatigineqarsimasoq IAA-milu isumaqatigiinngissutaasimasoq IAA-kkunnit Oqaasiliortunut ingerlateqqinneqarsimavoq. Nukaana Oqaasiliortut atertut akueraat.

Nukaana ateq uparuartorniutaammat IAA-mi siornatigut akuerineqarsimangitsoq nalunaarsukkani ilaavoq, Oqaasiliortullu piumasaraat atip isumaa ilanngullugu atsiiniartunut nassuiaatigineqassasoq. Kalaallit atsiisarneranni 'na'-mik naggasiisarneq, soorlu Ivaana, nalinginnaavoq, taamalu periaaseqarluni atsiisarneq tunngavigissagaanni Nukaana imaassagaluarpoq Nukana, taamaattumik ateq allaasumik pissuseqarmat, uparuartorniutaammat, atsiiniartunut uparuartorniutaanera erseqqissarneqassaaq.

5.2. Naqinnerit, soorlu D & B, kalaallit aqqini:

Naqinnerit kalaallit allattaasianni ilaanngitsut, soorlu D aamma B, pineqartillugit inuit aqqinik akuersisarneq maannamut ajornartorsiutaasarsimavoq. Assersuutigalugu Inuit Aqqinik Akuersisartut atermik D-mik aallartittumik qinnuteqartoqarsimatillugu siunnersuutigisarpaat T-mik taarserneqassasoq, kisianni amerlanertigut atsiisussat taamaaliorusunnatik siunnersuummut naaggaartarput. Oqaasersiat, soorlu biili, ordbogimi ajornaquteqanngitsumik naqinnermik B-mik aallaqqaaserlugit allanneqartarput. Ordbogimi *Oqaatsit*-ni oqaasersiat taama allanneqarsinnaanerinik allassimasoqarpoq, taamaattumik allattaatsit atorineqartut najoqqutaralugit allattarneq tunngavigalugu naqinnermik, soorlu D-mik aamma B-mik, itigartitsisarneq maannakkut atorunnaarsinneqarpoq. Aternilli taama ittunik qinnuteqartoqarsimatillugu atip nunanit allaneersuunera takuneqarsinnaassasoq qulakkeerneqartassaaq.

5.3. MIO-miit taaguutit:

Ataatsimiinnerni kingullerni marlunni MIO-miit taaguutit ingerlanneqartarsimapput. Ullumikkut Oqaasiliortut angumerisinnaasatik aalajangiiffigaat taaguutillu arfineq-marluk angumerineqarput, tullissaanilu nangeqqinneqarumaarlutik. Ullumikkut akuerisat ukuupput:

pædofil	inersimasoq meeqqanik kinguaassiuutitigut kajungerisalik aamma imaluunniit atornerluisartog
pædofili	inersimasup meeqqamik/nik kinguaassiuutitigut kajungerisaqarnera
pårørende	ilaqutaq / qanigisaq
relation	attuumassuteqarneq, atassuteqarneq
retmedicinsk undersøgelse	nakorsap pinerlussimanermik misissuunera
samarbejdsgruppe	suleqatigiissitat
samrådsmøde	isumasioqatigiilluni ataatsimiinneq

5.4. Ingerlatseqatigiiffiit assigiinngitsut taaguutaat:

5.5. Misigissutit:

5.6. Kirsebærequt:

Oqaasileriffimmut kirsebærtræ kalaallisut kirsebæreqummik taaneqarsinnaanersoq apeqqutigineqarsimavoq. Oqaasileriffimmiit kirsebærequt atoqqullugu innersuutigineqarsimavoq Oqaasiliortunullu ingerlateqqinneqarmat Oqaasiliortut akueraat.

5.7. Qallunaatut kisitsisit oqaasersiatut piunnaarlugit kalaallilli oqaasiinut pulavissimasutut naatsorsuutigineqalernissaannik siunnersuut

6. Taasariaqartut allat:

6.1. Ataatsimeeqqinnissamut ulluliineq:

Ataatsimeeqqinnissaq septembarip naalernerata missaani pissasoq aalajangiunneqarpoq.

6.2. GOIA-miit taaguutit:

Ullumikkut ataatsimiinnissaq nallertinnagu GOIA-mi taaguutinik suliarinnittut Oqaasiliortut aalajangersarsimasaannut allannguutaasinnaasunik siunnersuuteqanngimmata taaguutit suliarineqarnerat naammassineqarpoq.

6.3. Ataatsimiinnermi oqaluuserisassatut allaqqasut ataatsimiinnissamut tullermut kinguartinneqartut:

5.4. Ingerlatseqatigiiffiit assigiinngitsut taaguutaat

5.5. Misigissutit

5.7. Qallunaatut kisitsisit oqaasersiatut piunnaarlugit kalaallilli oqaasiinut pulavissimasutut naatsorsuutigineqalernissaannik siunnersuut

Oqaasiliortut

Allatsi

Bolatta M. Vahl, siulittaasoq

Minik Jeremiassen

Juaaka Lyberth

Jens Danielsen

Mariia Simonsen

Mette L. Lyberth